



**Broj: T18 0 KT 0017805 24**  
**Brčko, 06.08.2024. godine**

**OSNOVNI SUD**  
**BRČKO DISTRIKTA BiH**

Na osnovu člana 35 stav (2) tačka z) i člana 226 stav (1) u vezi sa članom 389 Zakona o krivičnom postupku Brčko distrikta BiH, p o d i ž e m:

**OPTUŽNICU**

**Protiv:**

**B. M. (...)**

**Što je:**

1. Dana 09.07.2024. godine, oko 16.00 časova, u stanju potpune neuračunljivosti, zbog sumračnog stanja, kao posljedice epilepsije, koja je hronična neurološka bolest, uslijed čega nije mogao da shvati značaj svog djela, niti da upravlja svojim postupcima, u namjeri pribavljanja protivpravne imovinske koristi, došao u ulicu Mihajla Pupina u blizini broja 64, Brčko distrikt BiH, gdje je zaustavio vozilo marke „VW“ Touran, registarskih oznaka ..., kojim je upravljala A. P. dok se na zadnjem sjedištu nalazilo njeno dijete Mldb 1, da bi potom, na A. vrat prislonio kuhinjski nož s crnom drškom, dužine sječiva oko 20 cm, rekavši joj „Izlazi iz auta“, nakon čega je nož spustio na lijevu stranu njenog tijela, a potom i na stomak, te ponovio da izađe iz auta, što je ona i učinila, kojom prilikom se, držeći Mldb1 u rukama i pokušavajući da pobjegne, saplela i pala, uslijed čega su obje zadobile povrede u predjelu lakta i koljena, nakon čega se udaljio u pravcu naselja Gredice II, gdje je na lokalnom putu ostavio oduzeto vozilo i otišao u mjesto Sandići, zaseok Krušik, kojom prilikom je od strane pripadnika Policije Brčko distrikta BiH pronađen u stanju u kojem je izgovarao nepovezane riječi,

dakle, u neuračunljivom stanju upotrebom sile i opasnog oruđa prijetnjom da će napasti na život i tijelo lica oduzeo tuđu pokretninu, s ciljem da njenim prisvajanjem pribavi sebi protivpravnu imovinsku korist,

2. Dana 09.07.2024. godine, oko 14.00 časova, u stanju potpune neuračunljivosti, zbog sumračnog stanja, kao posljedice epilepsije, koja je hronična neurološka bolest, uslijed čega nije mogao da shvati značaj svog djela, niti da upravlja svojim postupcima, u namjeri pribavljanja protivpravne imovinske koristi, došao do stana koji se nalazi na broju ... u naselju Ilička, Brčko distrikt BiH, a čiji je vlasnik Ž. E, te je upotrebom fizičke snage, potiskivanjem ulaznih vrata, ušao u unutrašnjost stana, gdje je u kanti iza kupatilskih vrata ostavio svoju platnenu torbu crne boje s natpisom „Hedgren“, u kojoj su se nalazilo jedan omot od čokolade „Najljepše želje“ u PVC vrećici, u kojem se nalazilo 20 novčanica u apoenu od 500,00 Eura, jedan omot od čokolade „Najljepše želje“ u PVC vrećici, u kojem se nalazilo 18 novčanica u apoenu od 500,00 Eura, ključ od vozila „Audi“, te nekoliko pocijepanih papira sive boje, kojom prilikom iz stana nije ništa uzeo, te se potom udaljio, a koju torbu je nakon pregleda unutrašnjosti stana pronašla supruga Ž. E., koji je o tome obavijestio policijske službenike Policije Brčko distrikta BiH,

dakle, u neuračunljivom stanju, provaljivanjem pokušao doći i oduzeti tuđu pokretninu iz zatvorenih prostorija, s ciljem da sebi pribavi protivpravnu imovinsku korist,

čime je pod tačkom 1. učinio protivpravno djelo Razbojništvo iz člana 283 stav (2) u vezi sa stavom (1) Krivičnog zakona Brčko distrikta BiH, a pod tačkom 2. protivpravno djelo Teška krađa u pokušaju iz člana 281 stav 1) tačka (1) Krivičnog zakona Brčko distrikta BiH, u vezi s članom 28 Krivičnog zakona Brčko distrikta BiH, a sve u vezi s članom 54 istog zakona.

[...]

---

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.

---